

www.BibleForChildren.org

Mataio 8



Alo ni tan alecehen, ke lé pwo a piaten ne Kana,
a mwopopwaalé ne Galilé. E mu lang wo nyaa te
Iésu. Ke lé te tode mwo Iésu me ni acémun
den, ne ko a piaten.



Ke me caa tice tabe megele, ke e pii te Iésu
wo nyaa ten pie: «Caa tice tabe megele télé!»
E pii te lépwo apenem wo nyaa ten pie: «Geé
pwo ati nina e pii tewé.»



E pii te lépwo apenem wo Iésu pie: «Geé pa ko tabe ni mwotabe ce.» Ke lé pa ke oba. Ke e pii telé mwo wo Iésu pie: «Geé tai, ke geé pé nge céii pa eapwihi piwiinaado.» Ke lé pé ngen.



Ke e nemi a tabe wo paje, ke [e téele, be] caa
taatééhi me a tabe megele. Ke time e uce temehi pie,
he lé pé mu wé. Kehe lé te
temehi cehi ne ni
apenem.



Ke e tode pa apiaten, ke e pii ten pie: «Tai ni apulie,
ke lé mi pipatihi a ju tabe megele, ke ana time uce ju
wâé, ke lé bo ne heme lé
caa nihe ûdu wo lépwo
ajelu. Kehe wogo, ke go
patihi a ju tabe
megele, die ha a
benaamwon ce!»







E â ha a pomwa te Pétéru wo Iésu, ke
e too ê mwaa Pétéru he e teko pule,
be e pwopilijing.




Ke e pétaa ko a in wo Iésu, ke te tieden kuti kojaeng
ali pilijing. Ke e cuwoda wo ênaa, ke e pwo me lé
wiinaado.



É he babwén, alecehe a bwo nuule na a téale, ke lé
pébé céii Iésu ati ni cunu me lépwona pwo ni duée
kolé. Ke lé pitaineibulé
ne ko a pomwa ati ne
ni apulie ha a
pwomwo ubwo.



Ke e pwo me tieden ati ni pétaapwo cunu wo Iésu.
Ke e pawiehi mwo ni duée na hiwon, ke time e uce
nelé me lé cihe, be lé te temehieng.



Ke hiwon nina lé hane me lé ti kon. Be pwo a
*pipwojunuun na e wie mu kon, ke te tai tieden
ni cunu kolé.



Ke lé âbé céiieng ni bée apulie he lé pébé céiieng
pa apulie na tebwomwa nang; paa jélé na lé
pipaadoimieng.




Kehe pwocoon me lé âmwonung,
wona mu ko a pubu apulie. Ke lé
temeeng da pwo mwa, ke lé
tapwii a céiu dua mwa ne
he bebenihe Iésu, ke lé
neole pali tebwomwa
pwo apule ten.




Ke me e alihi a céihi
telé wo Iésu, ke e pii te
pali tebwomwa pie: «Pa
naîng, caa pineuhi ni ta
pwo tem!» «Aje,
go cuwoda, ke
go pé apule tem,
ke go âmwo
pelem!»



E taa pwo ong wo Iésu, ke lé
âcéin wo lépwo acémun den.
Alecehen, ke e tabuhi
tahieng me ubwo a dan, ke e
taa jié ha ali ong. Ke
mepwo wo Iésu, ke
e teko pule
ha ali ong.



Ke e pii telé pie: «É mu ko ade na mwotikewé? Te junihe wahin kuti ni céihi tewé!» Ke e cuwoda, ke e cihe okéé ne ko ali dan me a jié. Ke e cuwo ali ta-amu, ke te ju au kuti. Ke lé téetihi, ke lé pipii telé pie: «He woo pa apulie ce, na lu piténedeeng a dan me a jié?»»



Te nihe eânime Padué ko a
bwohemwo, ke e ne pa Naîn na te ju
céiu nang, be mepie lé céihi ne kon,
ke me time lé uce mele, kehe o
etelé a *mulie dieli mwo.



Roma 3:23 Be nye tai pwo nina ta, ke tai
wogenye ité koja a wâé te Padué.

Roma 6:23 Be a cuhi a Ta, ke a mele. Kehe wo
Padué, ke e te ju ne tenye me tice ja ko a
mulie dieli mwo, na e pwaadeniin bé wo Kériso
Iésu, Padaame henye.

Ébéru 9:27 Mepwo é ne ko ni apulie, ke lé
te océiu ko mele. Ke é alecehen, ke e
bo tautilé wo Padué.



Éféso 2:8,9 Be e caa celuimikewé mu ko a
pipwoééhe tice ja kon den wo Padué, na e
pwaadeniin bé na a céihi tewé.

Be a âpipati, na e ne tenye [me piticenaado ne
kon] wo Padué. Ke time uce wonaa mu ko ce
penem dewé, ke me geé pipii dewé!

Roma 10:9,10 Be, heme go pii beetihi ko a pwom
pie, wo Iésu Kériso, ke Padaame, ke heme go
céihi ha a ju pwonimem pie, e pamulipieng mwo
wo Padué mu ha amele, ke o celuimiko.

Be hemepie go te junihe céihi ne kon, me pii
beetieng, ke e o celuimiko wo Padué, ke e o pwo
me go mwomwon ne he pwahamiin.



Loane 3:16,17 Te nihe eânime Padué ko a
bwohemwo, ke e ne pa Naîn na te ju céiu nang,
be mepie lé céihi ne kon, ke me time lé uce mele,
kehe o etelé a *mulie dieli mwo.

Be time e uce neopé pa Naîn beme e tauti a
bwohemwo, kehe me e *celuimi a bwohemwo.

1 Loane 5:11-13 Be weengi a *juuju: E ne tenye
wo Padué a mulie na tice anebwén kon. Ke a mulie
naa, ke e he pa Naîn. Ke wo pana e kon wo pa
Naîn, ke eten a mulie. Kehe pana time uce e kon
wo pa Naîn, ke time uce eten a mulie. É tii ninaa
lé céiikewé, wogewé na geé céihi ne he nii pa
Naî Padué, beme geé temehi pie etewé
a mulie na tice anebwén kon.



Mataio 8-9; Maréko 1-2, 4; Luka 4, 8; Loane 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Cemuhî Bible (cam) © 2018 Wycliffe Bible Translators
NZ pour l'association Bii Popai Wâro, Poindimié

<https://www.bible.com/en-GB/bible/2379/MAT.1>

©2026 Bible for Children, Inc.

www.M1914.org

www.bibleforchildren.org

